



AMR ENVIRONMENTAL SDN. BHD.
AMR Group Buliding,
29 & 29A, Jalan Pulai Perdana 11,
Taman Sri Pulai Perdana,
81110 Johor Bahru, Johor.

Tuan,

MAKLUMAT CADANGAN PROJEK "PROPOSED DEVELOPMENT OF CLINICAL WASTE THERMAL TREATMENT PLANT AT TANJUNG LANGSAT, JOHOR" OLEH TETUAN SPARKLE ONE FACILITIES MANAGEMENT SDN BHD (SOFMSB) DAN PERMOHONAN UNTUK MENDAPATKAN ULASAN / PANDANGAN BERTULIS DARI MAJLIS PERBANDARAN PASIR GUDANG

Dengan segala hormatnya, perkara di atas adalah dirujuk.

2. Perbincangan dan lawatan tapak cadangan projek ini telah dijalankan bersama pegawai AMR Environmental Sdn Bhd pada 12 April 2018. Didapati tapak cadangan terletak berhampiran dengan 5 kilang iaitu:

- a. Evyap Sabun Malaysia Sdn. Bhd. - berhadapan
- b. Sankyu (Malaysia) Sdn. Bhd. - berhadapan
- c. PK Agro Industrial Products Sdn Bhd (Johor Feedmill) – bersebelahan
- d. Viking Asphalt Sdn. Bhd. – bersebelahan
- e. Abrasive Blasting & Coating Sdn Bhd – bersebelahan

3. Kawasan tapak ini mempunyai sistem saliran dan perparitan yang mana akan menuju ke sungai Kim-Kim melalui anak Sungai Pelawan dan ke Sungai Kopok. Hasil daripada perbincangan dan lawatan tapak adalah seperti berikut:


- a. MPPG berharap agar pihak pemaju projek, pihak konsultan, pihak MPPG dan lain-lain pihak yang terlibat dapat turut serta dalam semua perbincangan, pelaksanaan dan pengawasan sama ada sebelum, selepas atau setelah projek berjalan. Keterlibatan pihak MPPG sangat penting kerana pelaksanaan projek adalah dalam kawasan pentadbiran MPPG.
- b. Hasil laporan dari pihak kilang yang berhampiran dan pandangan orang awam hendaklah diteliti, diperincikan dan dimajukan kepada pihak MPPG agar pelaksanaan projek tiada gangguan akibat bantahan atau hal-hal berbangkit.
- c. Oleh kerana projek ini melibatkan kemaslahatan orang awam, pihak MPPG berharap agar projek ini dapat dibentangkan dalam mesyuarat pihak tertinggi MPPG dan Ahli-Ahli Majlis sebagai sokongan seterusnya mendapat kelulusan bagi menjalankan projek.

- d. Pihak pemaju diharap agar mempertimbangkan untuk melantik anggota MPPG dalam proses Penilaian kepada Alam Sekitar (EIA) bagi memudahkan kelancaran perjalanan projek yang mana terdapat anggota MPPG yang mempunyai kepakaran dan kompeten dalam bidang ini. ini juga akan memudahkan pihak MPPG mengambil langkah awal dalam mendepani masalah yang mungkin timbul di sepanjang proses pelaksanaan projek.
- e. Pihak pengurusan syarikat dan pemaju diarahkan untuk melantik kontraktor pelupusan sisa yang dilesenkan dari MPPG sahaja sewaktu fasa pembinaan bagi sisa binaan mahupun sisa domestik dan juga apabila premis akan beroperasi kelak. Ini adalah kerana pihak MPPG memandang serius jika sisa dilupuskan di tapak haram. Sisa kitar semula pihak syarikat juga hendaklah dilupuskan di Tapak Pelupusan Sampah Sanitari MPPG Tanjung Langsat kerana terdapat fasiliti dan syarikat khas yang menjalankan kerjasama dengan MPPG yang disediakan di sana.
- f. Pihak pengurusan syarikat dan pemaju bertanggungjawab sepenuhnya atas sebarang kesalahan pencemaran mahupun kekotoran yang dijalankan sewaktu fasa pembinaan mahupun operasi kelak baik sewaktu perjalanan ke tapak projek mahupun sewaktu keluar. Pihak pengurusan MPPG akan mengambil tindakan ke atas pihak pengurusan dan pemaju jika didapati sebarang kesalahan yang dinyatakan berlaku kelak.

4. Kerjasama dan perhatian pihak tuan dalam melestarikan alam sekitar amatlah dihargai.

Sekian, Terima kasih.

'BERKHIDMAT UNTUK NEGARA'
'GEMILANG, LESTARI, SEJAHTERA'


(HAJI MOHD YUSOF BIN ABD WAHAB)
Ketua Jabatan Kesihatan Awam



Peta Tapak Cadangan Projek Clinical Waste Thermal Plant di Tanjung Langsat